



Nicolaus Gallus in Saxonia sub Anhaltinis principibus natus est anno 1516. Is post facta domi literarum fundamenta sese Vuitebergã contulit, atq; per decennium sub Luthero & Philippo diligenter bonis literis, in primis uerò Theologiã, operam dedit. Inde Mansfeldicę scholę ad tempus præficitur. Cum aut̃ postea Ratisponensis respub. Euangelij doctrinam suscepisset, atq; Vuitēbergæ pios pastores petiisset, Nicolaus ille cum Hieronymo Nopo 1542 eò missus, ut uerbum Dei populo annuntiaret, & omnia ritè disponeret. Verum cum Cæsar bello Smalkaldico uictor esset, anno 1548 cū alijs ministris Ratisbona pulsus Vuitebergã redijt, & in arce pro Casparo Crucingero concionatorem egit. Paulo post Magdeburgum uocatus, post Ambstorfferum pastor ad S. Viricum efficitur. Vbi etiam grauissimæ obsidionis tempore permansit, & ad Euangelicæ doctrinæ constantiam omnes incitauit. Cum autem Mauritius Saxo expeditionē contra Cæsarem fecisset, atq; tandē Passauij pax Germaniæ restituereẽ, Nicolaus Ratisbonam ad officium reuocaf, ubi etiamnum magna parrhisia Christũ afflictis cōscientijs fideliter annūtiat. præter alia pietatis officia Nicolaus quoq; suam operam in Ecclesiastica Historia conficienda contulit, & quantum ingenio ualeret declarauit. Cum essem anno 1565 in festo Palmarum Ratisbonæ, hunc de sacra Eucharistia concionantem audiui, atq; sonoram uocem, & singularem in explicando uerbo Dei dexteritatem intellexi. Ab eo etiam humaniter susceptus, & placidè dimissus fui. Anon.